



Krizni štab Ministarstva zdravstva, rada i socijalne politike Unsko-sanskog kantona

Krizni štab Ministarstva zdravstva, rada i socijalne politike Unsko-sanskog kantona, u cilju daljnjeg praćenja situacije i poduzimanja mjera radi sprječavanja i ranog otkrivanja slučajeva bolesti izazvane novim koronavirusom (COVID -19), koja je Zaključkom Vlade Federacije BiH, V. broj 164/2020 od 31.01.2020. godine proglašena zaraznom bolešću čije je sprječavanje i suzbijanje od interesa za Federaciju BiH, u skladu sa Naredbom Kriznog štaba Federalnog ministarstva zdravstva broj: 01-33-5708/20 od 15.10.2020. godine, poglavlje XIII tačka 1. i Preporukom Kriznog stožera Federalnog ministarstva zdravstva broj: 01-33-5845/20 od 20.10.2020.godine tačka 6., na 45. sjednici, održanoj dana 21.10.2020.godine donio je sljedeće:

SMJERNICE

1. Preporučuje se prelazak na online model odvijanja redovne nastave u obrazovnim ustanovama Unsko-sanskog kantona individualno po obrazovnim ustanovama u skladu sa procjenom higijensko-epidemiološke situacije u istima.
2. Potreba prelaska na online model odvijanja redovne nastave vršit će se prema procjeni higijensko-epidemiološke situacije u svakoj pojedinačnoj školi, odnosno razredu ili vrtićkoj grupi.
3. Procjenu i preporuku prelaska na online model odvijanja redovne nastave vršit će Ministarstvo obrazovanja, nauke, kulture i sporta u saradnji sa Zavodom za javno zdravstvo Unsko-sanskog kantona.
4. Ministarstvo obrazovanja, nauke, kulture i sporta je u obavezi redovno prikupljati, izvještaje od svih obrazovnih ustanova u Unsko-sanskom kantonu o broju oboljelih od COVID-19, kako uposlenika, tako i djece, kao i broju uposlenika i djece izoliranih usljed kontakta sa osobom pozitivnom na COVID-19.
5. U slučaju preporuke i prelaska na online model izvođenja nastave, preporučuje se da se online model preporuči na period od 14 dana, nakon čega će se, u skladu sa higijensko-epidemiološkom situacijom, odlučiti o daljem toku obrazovnog procesa unutar te obrazovne ustanove, razreda odnosno vrtićke grupe.
6. Obrazovne ustanove se pozivaju na dosljednu primjenu preporuka Federalnog zavoda za javno zdravstvo, Zavoda za javno zdravstvo Unsko-sanskog kantona, kao i Naredbi i preporuka Kriznog stožera Federalnog ministarstva zdravstva i Kriznog štaba Ministarstva zdravstva, rada i socijalne politike Unsko-sanskog kantona, a koje se objavljuju na službenoj stranici Vlade Unsko-sanskog kantona.
7. U skladu sa procjenom higijensko-epidemiološke situacije na području Unsko-sanskog kantona, Krizni štab Ministarstva zdravstva, rada i socijalne politike Unsko-sanskog kantona će u saradnji sa Ministarstvom obrazovanja, nauke, kulture i sporta i Zavodom za javno zdravstvo Unsko-sanskog kantona, uz praćenje preporuka Kriznog stožera Federalnog ministarstva zdravstva, razmatrati mogućnost i potrebu izmjene ove smjernice.

Broj: 09-33-10234-19 /20
Bihać, 21.10.2020.godine



Predsjednica Kriznog štaba MZRSP USK
Ministrica

dr.sci.prim.Nermina Ćemalović
spec. medicine rada